



1. Ո՛վ Հիսուս, Դու՛ մեծ սիրո աղբյուր,
Օգնիր, որ ես էլ, Տէ՛ր, սիրող լինեմ,
Ո՛վ Հիսուս, Դու՛ խնդության աղբյուր,
Շնորհիր, որ ես էլ, Տէ՛ր, ուրախ լինեմ:

Ոչնչություն եմ, Տէ՛ր, հող ու մոխիր եմ, Տէ՛ր,
Բայց Դու ներիր իմ հանցանքներն,
Խնդրում եմ, Տէ՛ր, լսիր իմ շուրթերից
Հառաչանքն այս իմ սրտի խորքից.
Ողորմեա՛, իմ Տէ՛ր:

2. Ո՛վ Հիսուս, խաղաղության աղբյուր,
Օգնիր, որ ես էլ, Տէ՛ր, խաղաղ լինեմ:
Ո՛վ Հիսուս, համբերության աղբյուր,
Շնորհիր, որ ես էլ, Տէ՛ր, միշտ համբերեմ:

3. Ո՛վ Հիսուս, Դու՛ քաղցրության աղբյուր,
Օգնիր, որ ես էլ, Տէ՛ր, քաղցր լինեմ:
Ո՛վ Հիսուս, Դու՛ բարության աղբյուր,
Շնորհիր, որ ես էլ, Տէ՛ր, բարի լինեմ:

4. Ո՛վ Հիսուս, Դու՛ հավատքի աղբյուր,
Օգնիր, որ ես էլ, Տէ՛ր, միշտ հավատամ:
Ո՛վ Հիսուս, Դու՛ հեզության աղբյուր,
Շնորհիր, որ ես էլ, Տէ՛ր, միշտ հեզ լինեմ: